

善本書室藏書志

錢塘丁丙松生甫輯

集部一

楚辭十七卷

明翻宋本

校書郎臣王逸上曲阿洪興祖補注

目錄前題漢護都水使者光祿大夫臣劉向集一行末有二序  
後漢文苑傳逸字叔師南郡宜城人元初中舉上計吏爲校書  
郎順帝時爲侍中著楚辭章句逸之注釋採自淮南王安以下  
著爲訓傳安與班固賈逵之書皆不傳唯賴此以存焉至宋洪  
興祖又以諸本異同重加參校補逸之未備當時分行今則合  
爲一編矣興祖字慶善丹陽人政和中登上舍第南渡後召試  
授祕書省正字知真州饒州忤秦檜編管昭州卒宋史具儒林  
傳此仿宋刊本宋諱有關筆猶存舊時典型

藏書志卷二十三

一

楚辭十七卷

明萬曆丙戌刊本

漢劉向子政編集王逸叔師章句

前有漢太史令龍門司馬遷撰屈原傳此本題明後學武林馮紹祖繩武校正萬曆丙戌自序於觀妙齋附錄諸家楚辭書目諸總評又重校章句議例並列音義於上方而宋樓所藏同是此槧尙有黃汝亨一序

楚辭集注八卷辨證二卷後語六卷

明正德刊本

朱子集注

周草窗齊東野語記紹熙內禪事曰趙汝愚永州安置至衡州而卒朱子爲之注離騷以寓意云正不必規規幾釋音叶之間耳此爲明成化十一年刊有附江何喬新序正德十四年新安張旭休甯知縣平湖沈圻跋蓋從宋本出也

楚辭集注八卷辨證二卷後語六卷

明依宋刊本

宋朱子撰此本每葉二十行每行大小均十八字辨證版心作  
下正猶有宋刻之遺有溪上讀書堂記一印

楚辭辨證二卷後語六卷

宋刊本

朱子既作集注復訂舊注之謬爲辨正又以晁以道所輯續楚  
辭二十卷變離騷二十卷刪定五十二篇爲後語皆自爲序此  
宋刊本集注八卷已闕有嘉定壬申重九後一日邵武鄒應龍  
跋又五年丁丑中秋子在謹記曰先君晚歲草定此編蓋本諸  
晁氏續變二書其去取之義精矣每章之首皆略敘其述作之  
由而因以著其是非得失之跡獨思元悲憤及復志賦以下至  
於幽懷則僅存其目而未及有所論述故今於此十九章之敘  
皆因晁氏之舊而書之若夫鞠歌擬招二章則非歸來子之書  
所及者讀者又當有以識夫旨意於言詞之外也又有端平乙  
未孫鑑敬識

楚辭五卷

明刊本

漢宣城王逸章句宋新安朱子集注明會稽王臺校定蕭山來欽之述注

崇禎戊寅來欽之聖源序云自離騷以至漁父三十五篇皆屈原作厥後宋玉景差賈誼莊忌淮南小山續騷諸作乃八卷中之三卷今止錄前之五卷續者俱不一及惟著屈原之所爲文而已然其詞旨難明語意杳冥非藉釋不能通曉朱子之集注其補裨於後人者多矣欽之聞或哀多益寡固注述之本意也陳洪綬老蓮繪東皇太乙雲中君湘君湘夫人大司命少司命東君河伯山鬼國殤禮魂屈子行吟凡十二圖洪綬繪時年才十九欽之年未四十也欽之字風季未幾風季逝世洪綬更製一序以寄感喟

離騷集傳一卷

影宋本

汪魚亭藏書

晉陵錢杲之集傳

此書見讀書敏求記每半葉九行行十八字注雙行夾注版心上記字數下列刻工姓名其注分一篇於二十四節每節以圈隔之其注大旨本之王逸別採他說及爾雅淮南子山海經本草諸書附益之貞楨桓字均缺筆常熟毛氏舊有影寫本見汲古閣珍藏祕本書目此本豈卽其遺物歟宋刻原本昔爲曹棟亭所藏後歸黃蕘圃今在常熟瞿氏聞極精美安得一瓿肯借明窗細勘也卷首有汪魚亭藏閣書朱文方印

離騷圖一卷 精寫本

區湖蕭雲從尺木甫

雲從當塗貢生前有自序凡繪離騷一圖九歌九圖天問五十四圖附凡例六則目錄所列遠游五圖竝已缺佚香草一圖則自云有志未逮是圖刻本甚稀此雖影摹尙得神似

右楚辭類

集部二

宋玉集二卷

續寫本

趙氏培蔭堂藏書

後有宋集篇目攷隋書經籍志作三卷舊唐書藝文志作二卷  
新唐書同鄭樵通志作二卷馬端臨文獻通攷作一卷焦氏經  
籍志作二卷陳第世善堂書目作一卷右上卷笛賦大言賦小  
言賦詠賦鈞賦舞賦風賦高唐賦神女賦登徒子好色賦微詠  
賦下卷九辯十首對楚王問高唐對郢中對觀其攷目至陳第  
而止當出於明人所輯也有武陵趙氏培蔭堂所得書一印趙  
氏者乃楚南趙淡如太守篤恩嘗爲仁和縣令多善政儲藏精  
本甚夥歿後以書篋過重艱於返鄉半付坊肆此其一也

揚子雲集六卷

寫本

漢揚雄撰

漢隋唐三書藝文志均載雄集五卷久佚宋譚愈輯漢書與古文苑諸篇仍如原卷之數已非其舊明遂州鄭樸又取太元法言方言三書及蜀王本紀琴清英諸條與諸文賦合爲六卷萬厯乙未自爲序之

漢蔡中郎集六卷

明嘉靖刊本

明役胡喬世甯景叔無錫俞憲汝成校訂任城楊賢子庸梓行

漢蔡邕撰前有嘉靖二十七年西京喬世甯序云中郎嘗欲續漢史記先成十志集中有進十志表自遭橫禍十志不傳世所傳獨斷者疑卽十志本要也集舊無精本與俞子汝成稍稍增定南都俞憲識云吾錫舊刻中郎集脫誤至不可章句喬子來眎楚學耦余校之凡爲卷六省舊之半篇九十有二益舊什之三爲類五序先獨斷通古今用者次章疏譚政事者次釋誨諸雜文見志行者次詩賦道性情者次碑銘頌讚表誄述時功德



者要皆宜著本實致陳理奧足稱名家云仍列歐靜識之序

漢蔡中郎集十一卷 明萬曆庚辰刊本

邕集唐書藝文志載集十五卷今傳者缺五卷蓋後人編集非其舊也此本前有天聖癸亥海陵西齋平陽歐靜原序嘉靖二十七年西京喬世甯嘉靖戊申南都俞憲萬曆元年東陽王乾章序實爲吳興茅一相校刊後有木記云萬曆庚辰秋七月旣望吳興花林東海居士刊於文霞閣中又記云中郎集余得三本一出無錫華氏爲卷十一得文七十有一首前後錯雜至不可句讀再得陳子器本贛華之舊最後得俞氏汝成本益文二十有一而損卷爲六其間亦稍稍補輯遺漏今而後始覩中郎之完冊云

蔡中郎集十卷外集四卷 羅鏡泉校本

漢左中郎將蔡邕伯喈撰

是集目次卷一二三四五六碑銘頌誄卷七八九議疏表狀祝  
詞卷十月令論問答外紀頌疏賦詩釋外集卷一二三碑銘頌  
贊疏議論書賦詩卷四獨斷傳表羅氏手識曰余用錫山華氏  
蘭雪堂活字本中郎集校於萬厯間陳留令徐成庵刊本上文  
視徐本爲少又借得樸學齋舊鈔本詳校一過又從嘉靖間喬  
氏刊六卷本新安汪士賢刊八卷本太倉張氏刻二卷本康熙  
中陳留劉氏依喬刻增刊補遺本勘其異同凡徐本所未收者  
定爲遺集又用北堂書鈔藝文類聚初學記太平御覽文選古  
文苑宋人諸書所引詳稽博考擇善而從又錄盧抱經學士及  
勞君季言校語於書眉上下幾無隙地聞聊城楊氏新刊本最  
爲完善精審當向高伯平索之一證同異族弟厚伯子豈官幼  
頗聰慧產時厚伯夢中卽見謁而生校成後當別鈔一本付之  
咸豐己未陽月識有武林羅氏以智鏡泉甫印

曹子建集十卷

明嘉靖刊本

魏陳思王曹植撰

按植集隋經籍志唐藝文志均三十卷又二十卷通志藝文略同陳氏書錄解題二十卷惟文獻通攷作十卷與此合蓋宋末已有闕佚也是本前有吳郡徐伯虬序稱郭子萬程雅好是集刊布以傳未有木記云按曹集十卷吳中舊有活字印本多舛錯脫漏大夫士往往有慨歎焉雲鵬雖不敏雅嗜建安諸子曹集之謬竊嘗一正之因梓於家與好古者共傳焉集端有序不敢贅謹識歲月於後云時嘉靖壬寅春正月既望吳下後學郭雲鵬跋雲鵬閩清人嘉靖己未進士官刑部主事未有曹集疑字音釋二葉每葉十八行行十七字有少保襄毅公孫李毅仲石諸印

曹子建集十卷

明朱墨印本

是集前有吳邵徐伯蚪序北邵李夢陽序菰城施辰賓序總評  
凡例外紀本傳每卷前列目錄書眉篇尾列各家評語圈點套  
印朱色

陸士衡文集十卷

明正德刊本

晉平原內史陸機士衡

阮氏元因 四庫僅收士龍文集而不及此書特爲進呈並撰  
提要著於學經室外集云郡齋讀書志書錄解題文獻通攷宋  
史藝文志皆載十卷宋慶元庚申奉議郎知華亭縣事信安徐  
民瞻曾合刻二陸文集此卽影鈔民瞻之本計賦二十五篇爲  
四卷詩五十八篇爲二卷樂府十首百年歌十首爲一卷演連  
珠五十首七徵一首爲一卷頌箴贊牋表文誄哀辭共十五篇  
爲一卷議論碑五首爲一卷共一百七十四首機集之傳於今  
者莫古於此矣後有正德己卯都穆記云慶元中刻歲久不傳

子家舊有藏本吳士陸元大爲重刻之

陸士龍文集十卷 明正德刊本

晉清河內史陸雲士龍

宋慶元庚申信安徐民瞻官雲間建二陸祠堂並訪得士龍集於祕書郎鍾君處序而鈔之集凡十卷賦八首詩三十首誄三首頌四首讚一首嘲二首騷九首書七十二首啟六首附士衡孫顯世兩家贈詩嚴宛陵卓茂安書曼日精廬藏書志載影寫宋刊本有慶元六年二月既望書成縣學職校正監刊者三員題名於后縣學司計進士朱奎監刊縣學直學進士孫垓校正縣學學長鄉貢進士范公袞校正四條此正德己卯太僕少卿邵人都穆跋云士龍六歲能文性清正有才與兄士衡齊名著集十卷率皆錄本仍譌踵誤不便覽觀吳士陸元大近刻士衡集訖工復刻斯集以子家本校而刻之

讀繡錦回文法一卷 萬曆刊本

明釋子起宗道人分讀文學邑人康萬民無珍增讀文學邑人康禹民水衡又增讀

是書爲康呂賜編前有呂賜自識稱余先太史縣志眞本悉依原編獨蘇氏詩未錄茲專錄其詩圖並校諸讀法合爲一編存之云云是呂賜亦對山後人未知與萬民輩行輩何如耳 四庫著錄亦卽是書此本前有宏治丙辰仇東之序稱起宗道人經禪之暇以游戲三昧細玩是圖得詩三四五六七言者三千七百餘首韻意悉如已出嘗錄以見贈是起宗爲明僧無疑館臣據王漁洋居易錄所載趙孟頫妻管道昇書璇璣圖眞迹已稱起宗道人遂疑起宗爲宋元間人而不知仲姬墨迹爲明人僞造似當日節臣所見之本前脫仇序及讀法凡例并呂賜識語故致此誤且不知是書爲呂賜所編非此本僅存無由糾正

其謬亦乾隆以來罕見之善本矣惟禹民讀法當呂賜時已佚無由收入此編卷末載其言曰余偶再讀蘇氏書殆過十萬言可盈千卷當更校禹民爲備惜乎不可復見也前有唐武后序及仇氏序後有吳門沈榮跋

支道林集一卷外集一卷

明刊本

右爲東晉沃州山沙門支道林撰道林名遁姓閔氏陳留人或云河東林慮人隋經籍志八卷唐藝文志十卷宋志不著錄阮氏掣經室依汲古閣舊鈔過錄上卷詩凡十八首下卷書銘讚十五首錄以進呈此本明皇甫湜編序詩文數與汲古合後有史弼翁以道人雋語佳事輯爲外集自爲序而新安吳家駒又爲後跋豈卽所謂支刪本耶

陶靖節先生集八卷

明焦氏刊本

朱竹垞藏書

蕭統撰傳云陶淵明字元亮或云潛字淵明潯陽柴桑人也又

宋書晉書南史並入隱逸傳晁氏讀書志靖節集有數本七卷者梁瀟統編以序傳顏詠載卷首十卷者北齊陽休之編篇又差異隋志九卷又云梁有五卷錄一卷唐志五卷今本皆不與二志同獨吳氏西齋目有潛集十卷疑卽休之本也休之本出宋庠家云江左舊書次第最有倫貫獨四八目後入儒三墨二條疑後人妄加云厥後版刻不一惟宋湯漢詩注四卷本爲最佳元李公燠箋注本爲近古此焦太史竝授新安吳汝紀蕭卿刻本焦序已失每葉十八行行十五字詩四卷惟歸園田居無江淹擬作一首餘與諸本同五卷賦辭六卷記畫贊傳述七卷五孝傳八卷疏祭文附顏延之誄昭文傳序無四八目中桃花源記欣然規往不作親往五柳傳酣觴賦詩不作銜觴豈然遠於時本按安化陶文毅公澗靖節諸本序錄列此本有焦序云昭明手葺編序而傳者歲久爲後人竄亂絕無善本頃友以



宋刻見遺無聖賢之目篇次正與昭明舊本吻合中與今本異者不啻數十處文毅云按焦本係宋刻然小注時引宋本作某豈謂宋庠本耶又云八卷之數與昭明舊本合則尤不然昭明所編正集止七卷并序目錄傳爲八卷後又以錄別爲一卷故隋志云九卷亡其錄而仍爲八卷錄卽目也晁氏所見八卷但有序傳諫不言目可知也今焦本若去其卷七五孝傳庶有合於昭明卷數耳有秀水朱氏潛采堂圖書竹垞俱賞岳漢字潛九智嚴忍辱頭陀諸印

梁昭明太子文集五卷

寫本

梁昭明太子撰明成都楊慎周滿東吳周復俊皇甫汸校刊

梁書本傳與隋唐二志均載昭明集二十卷宋藝文志五卷此本先爲潛熙八年池陽郡齋袁說友所刻時說友方刺史池郡也有梁劉孝綉序明嘉靖乙卯雲南按察使前進士成都周滿

得其書於皇甫百泉正之於楊升庵周木涇刻之并採梁簡文帝昭明集序蓋原書所無也又上昭明集別傳等表梁蕭子範求撰昭明太子集表三篇列於前今從而影寫之也

梁江淹集注十卷

明刊本

梁江淹撰自序有云未嘗注書唯集十卷豈卽所自定耶文通集行世者汪士賢本張溥本乾隆間梁賓以汪張二本參校異同編爲四卷卽四庫所著錄者敏求記云元趙貧翁領國子學閱崇文館舊書得文通全集鈔寄蕭山夢筆寺此乃元僧宏濟所錄八卷中山楚詞後多歌詩三首罌里瞿氏所藏嘉靖本卽校元本於其上世稱佳本而莫友芝舊書經眼錄載宋十卷本第一二卷賦三四卷詩五卷傳書奏紀箋表六卷始安建平章表教啟行狀七卷敕爲朝賢作書及尙書符慰勞雍州文爲蕭驃騎諸表啟教八九卷爲蕭太尉太傅齊公齊王表啟章自

受禪後諸詔第十卷誅誌祭呪諸文及頌讚雜言騷辭終以自序編次極有條理此雖小小參差而大段相同前有伯良胡之騷彙注序及凡例五則附錄南史本傳並目錄一卷余別藏乾隆乙亥裔孫炎校刊醴陵集十卷中多歌辭三章殆卽敏求所云也

沈休文集五卷

明萬曆刊本 明高深甫藏書

梁吳興沈約著明新安程榮校

約字休文武康人左目重瞳屢有紫志父璞淮南太守元嘉末被誅約幼潛窟會赦免孤貧好學母恐其勞疾常遣減油滅火而晝之所讀夜輒誦之遂博通羣籍能屬文宋泰始中爲安西記室參軍入齊累遷吏部郎出爲東陽太守明帝徵爲五兵尙書梁武受禪以佐命功除僕射歷尙書令侍中封建昌侯加特進諡曰隱隋經籍志集一百一卷舊唐經籍志一百卷又集略

三十卷新唐書藝文志同宋史藝文志沈約集九卷又詩一卷  
明辭應旂序六朝詩集止載賦詩一卷絳雲樓書目載沈休文  
集四冊當卽此五卷本前有萬曆乙酉雲間張之象序謂世之  
談藝者以謝沈並列就李沈道初已刻謝集焦子弱侯敘之茲  
再刻沈集屬張子題諸首簡并刻梁書本傳鍾嶸詩品顏氏家  
訓詩譜竹林詩評劉會孟語諸條有武林高深甫妙賞樓藏書  
印按深甫名瑞南著有遵生八牋

梁陶貞白先生文集一卷

精寫本 何夢華藏書

五嶽山人黃省曾編校

此本前有侍中尙書令江總序並題云先生文集三十卷內集  
十五卷今皆亡失不傳故禮部侍郎王公欽臣哀其遺文三十  
二篇以爲一卷南豐曾恂復得寒夜愁胡笳二詩於古樂府集  
中難沈鍾軍約聖論於宏明集中因攷其製作先後爲之次以

類相從并殘文附於後請雨詞一篇獨列於卷前有石甌山樵  
秋陽山人青華館布衣躩菜根香讀書滋味長錢江何氏夢華  
館藏諸印

陶貞白集二卷 明刊本

梁秣陵陶宏景著

按集中尋山誌末注云陳武帝貞明二年敕台尙書令江總始  
撰先生文集先生去世已五十三載文章頗多散落而隋經籍  
志梁隱居先生陶宏景集三十卷又內集十五卷至宋作唐藝  
文志僅載集三十卷不著內集晁公武陳振孫兩家且不著錄  
此編明黃省曾從道藏錄出江夏黃注重加校正釐爲二卷增  
梁元帝碑文沈約與宏景書二篇付蕭郡蕭氏刻梓并加序云  
有邵錫章印豫鍾荆華書屋三印

何水部集三卷 精鈔本

水部名遜字仲言東海郟人官至水部員外郎集八卷晁氏讀書志云已亡佚明正德丁丑松江張紘刊本詩凡九十五篇附載范雲劉孝標同作擬古及聯句明文嘉有元人鈔本多文一卷今從而傳寫者

陰常侍集一卷

精鈔本

右爲陳散騎常侍南平陰鏗子堅撰晁氏讀書志稱集三卷隋志已亡其二今所存者數十篇而已直齋書錄作一卷云集纔三十餘篇與此本合

庾開府詩集六卷

明刊本

首列周書庾信本傳信集二十卷隋經籍志二十一卷久佚明正德辛巳朱子儋承爵重刻庾開府詩四卷於存餘堂詩尙未全此爲朱曰藩刊本有序云文獻通攷云信在揚都有集四十卷及居江陵又有三卷皆因兵火不存今集止入魏以來所作

乃知子家所有直魏以後詩耳因取家藏鈔本爲之校讐內周  
圓三方澤五帝宗廟大禘五聲調曲諸樂章則攷之隋書音樂  
志郭茂倩樂府詩集等書五七言諸詩則攷之藝文類聚初學  
記文苑英華等書凡增詩十二首非信詩刪去者二首麓爲六  
卷云錢氏述古堂范氏天一閣所藏皆是此本按吳兆宜庠子  
山集注凡例有云開府集坊刻本未免謬誤朱子价先生曰蒲  
舊刻善本頓覺耳目一新可以見此刻之佳矣

右別集類一

善本書室藏書志卷二十四

錢塘丁丙松生甫輯

集部三

唐太宗皇帝集二卷

明活字刊本

何夢華藏書

按天一閣書目作一卷明淮海朱應辰訂梓北江閩人治序吳郡郡程跋云太常邊廷實館閣書目有文皇詩一卷凡六十九首今以詩按之正符此數但其中望春臺乃明皇詩錢中書侍郎來濟乃宋之間詩當是後人誤入非館閣之舊是本前有感應賦臨層臺賦小池賦三篇詩六十七首所謂望春臺及錢來濟二首均不列入正合前數較朱應辰刻本爲佳有何元錫印夢華館藏書二印

唐元宗皇帝集二卷

明活字本

何夢華藏書

右喜雨賦一篇五言古詩七首七言古詩二首五言律八首五



言排律十九首七言律一首五言絕二首七言絕二首鶴鶴頌  
一篇與唐百家詩刻次第一式有何元錫印夢華館藏書二印  
東皋子集三卷 舊鈔本

唐太原王績無功著

績乃文中子王通弟也隋大業中舉孝悌廉潔授六合丞除正  
字棄官隱東皋自號東皋子晚以大樂吏焦革善釀求爲其丞  
革死乃歸立杜康祠於所居配以焦革爲文祭之晁陳兩目均  
稱遺文五卷河東呂才編序陸洎後序此明梁谿曹荃定爲三  
卷附錄劉昫宋祁蘇軾三傳并遺事集評

王子安集十六卷

舊鈔本

李伯雨藏書

唐魏州參軍王勃著

勃字子安太原人王通之諸孫也六歲善辭章未及冠授朝散  
郎沛王召習府修撰戲爲檄雜文高宗怒斥出府又匿殺死罪

官奴事覺當誅會赦除名父福疇坐是左遷交趾勃往省覲途  
過南昌謁閻公爲滕王閣序文不加點滿座大驚酒酣別去至  
至炎方舟入海溺死年二十九先以號州多藥草求補參軍結  
銜之題以此也唐書文苑傳稱其文集三十卷此本前載楊炯  
序作二十卷按集止十六卷乃明崇禎間閩人張燮搜輯而成  
雖非舊編較別本差善寫者筆氣疏散似非俗子有錢譽臨印  
徐山李伯雨校定恭壽新若手未觸諸印

王子安集十六卷附錄一卷 明刊本 周雪客齋藏

唐龍門王勃子安撰明閩漳張燮紹和集

此張紹和刊初唐四子集之一也前有變讓語云勃集至文獻  
通考時尙存二十卷近世永言僅存其詩賦二卷今爲併錄諸  
篇得十六卷冠以華陰楊炯序又有崇禎庚辰梁谿曹荃序  
稱所梓初唐四君子尙未披東而紹和告殂矣有周雪客家藏

書一印

盧昇之集七卷 舊鈔本

唐盧照鄰撰

照鄰字昇之范陽人唐書文苑傳稱初為鄧王府典籤調新都尉以病去官隱具茨山下手足攣廢自沈潁水而死有幽憂子集十卷兒氏陳氏書目並同宋刻有二卷本載賦詩及五悲惟無樂府九章與騷序對問書讚碑十七篇此七卷本乃後人摭拾而成然夙稱舊帙也

楊盈川集十卷附錄一卷 明刊本

唐盈川令華陰楊炯撰

炯華陰人顯慶六年舉神童授校書郎嘗充崇文館學士後為婺州盈川令有集三十卷新舊唐書有傳此十卷為明萬曆中龍游童珮校刊後附本傳祭文唐會要文獻通攷數條珮字子

鳴以詩名有集六卷乃書賈也有鈔經樓藏書印

駱賓王文集十卷

元刊本

駱賓王撰此集晁氏讀書志陳氏書錄解題皆作十卷此本卷數相符冠以本傳先列螢火賦終以丹陽刺史挽詞俗本代徐敬業討武氏檄此作李敬業以武后臨朝移諸郡縣檄六尺之孤何託此作安在與書錄解題引同每葉廿二行行十八字孫淵如定爲元刻惟無祁雲卿序耳

唐駱先生文集六卷

明萬曆刊本

鳴野山房藏書

烏程陸宏祚仁和虞九章錢唐童昌祚同訂釋

是集卷一頌賦五言古詩卷二五言律詩卷三排律五言絕句雜言卷四七言古詩七言絕句序類卷五表啟類啟類卷六雜著類檄類前列本傳次附錄唐魯國祁雲卿序唐孟榮本事詩宋劉定之說唐詩紀事新都楊升庵說華亭徐獻忠說太倉王

鳳洲說萬曆辛卯汪道昆爲序云武林虞君更生者古而雅言詩初唐獨左袒義烏因以暇蒐其全義烏益不朽矣

駱子集注四卷

明萬曆刊本

知舒城縣事閩漳後學陳魁士註釋

唐書文苑傳稱中宗時詔求其文得百餘篇命郝雲卿編次之世傳賓王集不一刻一四卷本明顏文選注卽四庫著錄者一不分卷本有賦詩而無雜文題江東孫伯履公素校一二卷本前有郊序亦有賦及詩無文一六卷本題靈隱子萬曆丙申陳大科序者又明張炳祥刊作小版者又虞更生所刊者終不若顧廣圻校秦恩復刊之十卷本爲最善此舒城令陳魁士注本凡四卷頌一賦二詩百十七表一對策三啟十書五序九雜著六計百五十四篇前有遺事若干條萬曆七年湖廣荊州推官李棠邦亮爲之序雖非舊第而徐敬業作李敬業何託作安

在所引尚非俗本魁士字以行漳浦人領嘉靖戊午鄉薦官工部主事天祿琳琅著錄是書尚有葉逢春序及魁士自序劉大烈書後此本闕焉

李嶠集二卷

明活字本

嶠字巨山趙州人二十擢進士遷監察御史武后時同鳳閣鸞臺平章事明皇將幸蜀登花萼樓使樓前善水調者奏歌歌曰山川滿目淚霑衣富貴榮華能幾時不見至今汾水上惟有年年秋雁飛帝慘愴移時顧侍者曰誰爲此對曰故宰相李嶠之詞也帝曰真才子舊集五十卷此則後人摭拾而成前賦後詩與嘉靖間徐獻忠所刊唐詩百家次第一式當從宋本出也

故中書令鄭國公李嶠雜詠二卷

舊鈔本

西域卒文房唐才子傳李嶠集五十卷雜詠詩十二卷單題詩一百二十首張方爲注傳於世此卽單題詩也上卷乾象坤儀

藏書志卷二十四

四

芳草嘉樹靈禽祥獸下卷居處服玩文物武器音樂玉帛凡十一部每部十首張注已佚前惟存巨唐天寶六載登仕郎守信安郡博士張庭芳撰序耳此書傳自東瀛嘉慶間傳寫者也

杜審言集二卷

明刊本

前有乾道庚寅廬陵楊萬里序云襄陽杜審言字必簡嘗爲吉州司戶曹趙君彥清勞菟遠撫得其詩四十三首將刻棗以傳好事且爲戶廳寶王大弓屬余序之云云按審言京兆人預之遠裔甫之祖也咸亨元年進士爲隰城尉恃才傲世坐事貶吉州司戶及武后召還令賦歡喜詩稱旨授著作郎修文館直學士有集十卷今不存但傳詩四十餘篇天一閣范氏海源閣楊氏書日均載此書楊乃宋刻也

陳伯玉文前集五卷後集五卷附錄一卷

明宏治刊黑口本 馬笏齋藏書

新都楊春重編射洪楊澄校正

伯玉名子昂蜀人也開耀二年進士初以富家子任俠尚氣弋博後入鄉校感悔痛自修飾光宅元年詣闕諫靈駕入京武后奇其才拜麟臺正字遷拾遺解官歸會父喪廬墓次縣令段簡貪殘聞其富欲害子昂家人賂二十萬緡猶薄之送獄死年四十有三唐書有傳是集前有黃門侍郎盧藏用原序後附錄本傳及別傳碑文祭文宏治四年維揚張頤序稱今巡撫山西都御史楊澄後序卷數與陳氏書錄合四庫所收本作陳拾遺并有楊澄後序卷數與陳氏書錄合四庫所收本作陳拾遺集闕第七卷馮牙文祭海文弔塞上翁文祭孫府君文此本有之惟闕餞陳少府序一篇而已有漢唐齋馬玉堂兩印

陳伯玉集二卷

明翻宋本 劉蓉峯藏書

瞿木夫中溶古泉山館題跋云中版每葉廿行行十八字版心題陳伯玉集

或下有卷字

下卷有卷下字前無序目錄與杜萇等詩



同上卷首題陳伯玉集尾行次行低一字題賦後塵尾賦一篇  
篇後低一字題詩後低三字卽詩題下卷首行題陳伯玉集卷  
下次行題詩字與上同詩不分體中有注一作某某云讀書志  
作陳子昂集直齋書錄解題載其集名陳拾遺集盧藏用序皆  
十卷則此本非完書也今拾遺集尙傳於世以此本備攷可也  
陳伯玉集二卷 明刊本

前後無序跋上卷首塵尾賦次感遇詩三十八首觀荆玉篇鴛  
鴦篇等作下卷亦僅載詩子昂初爲感遇詩王適見而驚曰此  
子必爲海內文宗由是知名此集不載其文豈因其有勸武后  
興明堂太學以調元氣又有大周受命頌請追上太原王帝號  
表諸篇而故削之歟

張說之集八卷

明活字本

何元錫藏書

說之名說字道濟洛陽人垂拱四年舉學綜古今科進授太子

校書令累遷鳳閣舍人睿宗時遷兵部侍郎平章事開元十八年終左丞相燕國公文集三十卷明刊文集僅二十五卷載張九齡撰墓志銘此本八卷前有賦五篇後分體詩共三百首與文集前編詩四卷首數無大出入當從宋時單刊詩本重刻也

有夢花館藏書印

蘇許公詩集三卷

明翻宋本

劉蓉峰藏書

唐蘇頲撰頲字廷碩武功人事蹟見唐書本傳頲集昭德讀書志作三十卷天一閣書目則僅存五卷有正德壬申劉紹序此集不分體每半葉十行行十八字前後無序跋槧印絕精卷首有彭城伯子朱文圓印空翠閣藏書印朱文方印

唐丞相曲江張先生文集二十卷

明嘉靖刊本

陳仲魚藏書

右唐右丞相謚文獻曲江張九齡子壽著九齡事蹟具唐書本傳唐宋二史藝文志俱載其集二十卷晁氏題曲江集末有姚

子彥行狀呂溫真讚鄭宗珍謚議徐浩墓碑及贈司徒敕元祐中鄧開序文今皆失之此本前爲成化九年瓊臺邱濬序稱予生公六百餘年之後童稚時嘗得韶郡所刊金鑑錄讀之灼知其僞求公全集二十餘年竟不可得歲乙丑始得鈔錄於館閣羣書中期自備梓道韶適涂君暉倅郡偶語及之太守毘陵蘇君鞅同知莆田方君新謂此集乃韶之文獻請留刻郡齋後嘉靖十五年丙申南京吏部尙書湛若水以韶本授水部郎中新會鄧君一新文憲於徽庠翻梓之置於新泉新舍而爲之序按序文不載甘泉集中有陳仲魚印記

張子壽文集二十卷

明刊本

張九齡字子壽

此本大題在第一行下題曲江集三字前列二十卷目錄每卷前又有篇目後接正文每半葉十一行行二十二字口上黑記

白文字數前無序後有廣東韶州知府普安蔣思孝跋云歲甲申金谿如水王公持憲茲土謀諸孝泊二守秦君應聽曲江令張君履祥刻焉

李北海集六卷 明刊本

唐廣陵李邕泰和著明梁谿曹荃元宰定

世事蹟具唐書本傳文集七十卷宋志已不著錄此曹元宰摭拾零竒編爲六卷前爲荃序有烟波漁父一印

李翰林集三十卷 宋咸清刊本

翰林供奉李白

前二十卷詩後十卷文前有李陽冰樂史魏顥曾鞏序李華撰墓志劉全白撰碣記范傳正裴敬撰墓碑每卷有目錄連屬正文每葉二十行行二十字後附新唐書本傳又紹熙元年七月開封趙汝愚題云右李太白題司空山瀑布詩得之東里周子

中附於卷末又咸洎己巳天台戴覺民希尹跋云是集多趙同舍崇鑑養大所校正晏知止本歌吟在六七兩卷此則在第十七卷餘亦前後參差曾鞏序首數句與元豐類稿合與晏殊元刊補注本異或此爲南豐本彼爲次道本歟

分類補註李白詩二十五卷

元至大辛亥刊本

錢叔蓋藏書

春陵楊齊賢子見集註章貢蕭士贊粹可補註

唐李白撰宋元人注白集者惟推此兩家齊賢履貫具前題士贊甯都人自署冰崖後人蓋其父宋辰州通判立等之號也書二十五卷分二十二類前有至元辛卯中秋粹齋自序弱冠誦太白詩厥後冥思遐想章究其意之所寓旁搜遠引句攷其字之所原一日得左綿所刊楊君子見注本惜其博不能約因取其本類比爲之節文善者存之注所未盡者以所見附其後賦八篇子見本無注則併注之目錄後有建安余氏勤有堂刊篆

文木記目錄末葉版心記至大辛亥三月刊按天祿琳琅所  
收元刊本前載唐李陽冰宋樂史宋敏求曾鞏毛漸五序劉全  
白李君弼記此本並佚有錢松叔蓋印信白文方印松字叔蓋  
號耐青晚號西郭外史錢塘人工篆刻書畫殉粵寇之難

分類補注李太白詩文集三十卷

明嘉靖刊本

春陵楊齊賢予見集注章貢蕭士贇粹可補注吳會後學郭雲鵬  
校刻

前有唐宣州當塗令李陽冰序次朝散大夫行尚書職方員外  
郎直史館上柱國樂史述別集序次殿中侍御史李華李公墓  
誌次尚書膳部員外郎劉全白撰李君弼記次常山宋敏後求  
記次南豐曾鞏後序詩二十五卷先標楊齊賢蕭士贇之名以  
文集無兩家注故也後有雲鵬自跋並嘉靖癸卯春元月寶善  
堂梓行小木記撫印精潔殊可珍也

李翰林別集十卷

明正德刊本

翰林供奉李白

集前載朝散大夫行尚書職方員外郎直史館上柱國樂史序云李翰林歌詩李陽冰纂爲草堂集十卷史又別收歌詩十卷與草堂集互有得失因校刊排爲二十卷號曰李翰林別集時咸平元年三月三日此明正德間吳郡袁翼所刊後有跋稱重刻清熙本四庫書目提要云樂史所編罕見蓋當時此本未出也

李詩選注十三卷辯疑二卷

明刊本

温州樂清蕩南朱諫選注姪守仁校刊

按諫字君佐吉安太守居雁蕩山之南號曰蕩南選注李白集并爲辯疑嘉靖間天長志序云范傳正李翰林新墓碑載文集二十卷得之文士與其宗族編緝斷簡至曾子固序白詩集二

十卷舊七百若干篇今九百若干篇宋敏求之所廣也傳正元和十二年作碑去白死纔五十七年爾旣云編緝斷簡則已不能無誤况敏求去傳正又二百餘年更五代亂所廣二百餘篇安在必爲白作無疑也乃取諸家注覽之類旁引曲證少所發明而是非眞僞往往莫能辯正今觀所著如朱子釋經例先解文義次述與意微辭奧旨燦然明白其辯疑則取舛悖卑陋煩複者指摘疵類而雪洗其廣誣之辱將汲封遺厥子守宣俾守掌焉隆慶壬申知温州府婺洪垣又因其從子瑤山刻於郡齋並加序於首

集千家注批點補遺杜工部詩集二十卷

明嘉靖刊本

汪魚亭藏

須溪劉會孟評點

是書元槧本無補遺二字題須溪先生劉會孟評點前爲大德癸卯劉將孫序云先君子平生斐看杜集旣選爲與觀他評論



尙多批點皆各有意高楚芳類粹刻之復刪舊注無稽者泛濫者乃特存精確必不可無者求爲序以傳云據序當爲高楚芳所編每卷後有補注刻葉此本乃明嘉靖九年石亭陳沂序稱近世刻本競出王九之復取千家注刻於家前載杜工部年譜一卷目錄一卷與元槧同特無將孫序耳天一閣目收列此書有汪魚亭藏閣書印

集千家注分類杜工部詩二十五卷

元廣勤堂刊本

東萊徐居仁編次 臨川黃鶴補注

陳氏直齋書錄解題云門類杜詩二十五卷東萊徐居仁編次未詳何人云云是七十二門爲居仁所分而集千家注之名乃黃鶴繼其父希所作而成也希字夢得宜黃人登進士官永新令鶴字叔似著有北窗寓言集書中所列諸注姓氏自韓愈元稹至文天祥謝枋得劉會孟共一百五十六家卷首標杜工部

傳序碑銘爲唐書杜甫本傳元微之杜工部墓誌銘韓愈題杜  
子美墳李觀遺補杜子美傳王洙杜工部詩史舊集序孫僅讀  
杜工部詩集序王安石杜工部詩後集序胡宗愈成都草堂詩  
碑序魯豈編次杜工部詩序王琪增修王叔原編次杜詩後記  
王彥輔增注杜工部詩集序鄭印杜少陵詩音義序跋杜子美  
詩并序孫何讀子美集詩歐陽修王安石子美畫像詩張伯玉  
讀子美集詩楊蟠觀子美畫像又集注姓氏又集法門類又年  
譜一卷則鶴所撰也碑銘卷後有廣勤書堂新刊六字木記門  
類後有三峯書舍四字鐘式木印廣勤堂三字鼎式木印當是  
皇慶王子以後所刊也

集千家注分類杜工部詩二十五卷

明汪諒翻元刊本

東萊徐居仁編次 臨川黃鶴補注

前有宋祁元稹韓愈李觀王洙孫僅王安石胡宗愈魯豈王琪

王彥輔鄭印孫何歐陽修張伯玉楊蟠傳銘序跋題記一卷黃鶴撰年譜一卷注詩姓氏一卷韓愈元稹題唐賢王禹偁至謝枋得題宋賢劉會孟題時賢元時有數刻一爲建安余氏勤有堂刊目錄後有皇慶王子鍾式木印勤有堂鼎式木印一爲廣勤書堂新刊有三峯書舍鍾式木印廣勤堂鼎式木印又有至正戊子潘屏山刊於圭山書院者此爲明汪諒所翻行款字數與元刊無異惟筆畫稍肥耳刷印用明時官牘殘紙頗多古趣汪諒乃金臺書估柯氏史記張氏文選皆其所刊者

杜少陵先生分類詩注二十卷

明萬曆刊本

錫山二泉邵寶國賢父集注

杜詩注本極夥而邵注藏書家著錄甚罕范氏天一閣目僅載邵寶鈔杜律二卷姚九功校刊是文莊公固深於杜詩者此本二十卷題同邑最木過棟汝器參箋三吳雲望周子文岐陽校

梓子文序云先達邵二泉先生詩鳴宏正間酣嗜是業一遵攷  
亭六義之例分類而集注之良亦苦心時在萬厯壬辰前又有  
王穉登序

集千家注杜工部詩集二十卷附文集二卷

明嘉靖刊本 祝芷塘藏書

明嘉靖丙申玉几山人校刊

寶元二年翰林學士王洙序云杜集初六十卷今祕府舊藏通  
人家所有稱大小集者皆亡逸之餘人自編摭非當時第序矣  
蒐裒中外書凡九十九卷除其重複定取古詩三百九十有九  
近體千有六起太平時終湖南所作視居行之次與歲時爲先  
後分十八卷又別錄賦草雜著二十九篇爲二卷又有王安石  
胡宗愈二序蔡夢弼跋後附錄元稹撰墓誌銘唐文藝傳此爲  
詩集二十卷附文二卷題玉几山人校刊一本別題明易山人  
者當必書版歸坊隨時易名也有祝德麟印芷塘過眼兩印按

德麟字芷塘海甯人乾隆癸未進士由編修官御史有悅親樓集

藍田王摩詰詩六卷 元刊本

重刊劉須溪先生校本

摩詰名維太原人開元九年進士終尚書右丞嘗陷安祿山賊中賦凝碧池詩以寄痛悼詩聞行在後得免死代宗訪其文章維弟王縉表上十卷書錄解題云建昌本與蜀本次序不同顧廣圻謂題摩詰者蜀本也題右丞集者建昌本也建昌本前六卷詩後四卷文自是寶曆二年表進之舊黃丕烈云不知何時僅梓得六卷又云嘉慶癸酉借得元刻劉須溪評點王摩詰詩與宋刻對其序次悉同錢遵王云右丞集麻沙宋版送梓州李使君詩山中一半雨據蒙叟跋一夜作一半蓋言其風土深山冥晦晴雨相半故曰一半此本亦作半雨又趙松谷右丞集箋

注例略摩詰詩所見者廬陵劉氏須溪武陵顧氏元粹句吳願子可久吳興凌氏初成凡四家而須溪句吳皆作六卷吳興武陵二本所載游春詞三十餘首是王涯作此本獨不誤入益可知其善矣

高常侍集十卷

明刊本

唐高適撰適字達夫一字仲武滄州人授封邱尉改諫議大夫遷西川節度使左散騎常侍年五十始學詩卽工與李杜唱和頗多有詩文集二十卷崇文總目晁氏陳氏俱作十卷又集外文一卷別詩一卷此皆無之前後無序跋惟賦與詩八卷文二卷四庫全書影宋鈔本十卷本七絕無聽張立本女吟一首七律無程俱所作重陽一首此皆有之天祿琳琅所收者卽此本也每葉廿行行十八字有春鶯潛木草堂印又雨泉一印頗舊疑卽萬曆間蘇州陳方伯鑒所藏

孟浩然集四卷

明刊本 吳用鼎藏書

天寶四載宣城王士源集序其詩凡二百十首九載沛國郡公  
韋迥增其條目繕上祕府宋本分上中下三卷黃氏士禮居跋  
之甚詳此出後人重編多詩四十五首天一閣書目所載是也  
浩然襄陽人隱鹿門山卽龐公棲隱處四十遊京師嘗集祕書  
省聯句有微雲淡河漢疏雨滴梧桐句眾欽服王維待詔金鑿  
私邀入商較風雅俄報元宗臨幸浩然愕匿牀下維不敢隱因  
奏聞帝喜詔出命吟近作誦至不才明主棄多病故人疏帝慨  
然曰卿不求仕朕何嘗棄卿奈何誣我因放還南山維嘗畫浩  
然像於鄧州咸通中鄭誠署其亭曰孟亭卷端有邱卧堂吳廷  
書畫之印兩圖記

孟浩然詩二卷

明刊本

唐襄陽孟浩撰宋廬陵劉辰翁評明北地李夢陽參

前有王士源序後有劉辰翁李夢陽李克嗣三跋又吳興凌濛初識云襄陽詩集劉須溪批校本乃其全者近更得潘景升家梓本復有李空同所參評間相攻駁亦有刪削今全錄則從劉本次第則從李本評點以硃版套印有少石藏書筆底煙霞有  
中邱壑三印

孟浩然詩集三卷

明刻本

宋廬陵劉辰翁評點明句吳道洪參校

黃丕烈百宋一廬有宋本三卷跋云以元刻劉須溪評點本校勘彼此善惡奚啻霄壤非特強分門類不復合三卷原次序且脫所不當脫如歲晚歸南山作是也衍所不當衍如歲除夜有懷是也今得宋刻正如撥雲覩青天矣後歸汪間原又歸聊城楊至堂河帥楹書隅錄所載每半葉十二行行二十一字此爲顧氏校刊天一閣書目載之前有宜城王士源撰序次韋涖序



次道洪撰凡例云余藏孟浩然詩集凡三種一宋刻一元刻劉評點者一吳下刻高岑王孟十二家者暇日集覽互訂多見異同因以宋本爲準凡有字異者句異者前後倒置者通篇不同者並於宋本內注元本作某或二本作某字句亦如之復照須溪批點增人以備觀覽上卷八十五首中卷六十三首下卷六十二首共二百十首其元本多於宋本三十三首今本又多於元本三十首共多於宋本五十三首另立補遺一卷別錄本傳襄陽耆舊傳雜文懷贈等詩爲外編天一閣惟存詩集三卷餘則闕佚惟歲除夜有懷一首仍在集中豈當日宋本不止一刻耶然已較元明本爲近古矣

王昌齡詩集三卷

明正德刊本

劉蓉峰藏書

昌齡字少伯太原人開元十五年進士授汜水尉又中宏辭科遷校書郎以不護細行貶龍標尉兵火之際旋歸鄉里爲刺史

閻邱曉所忌被殺直齋書錄解題載王江甯集一卷蓋又嘗令江甯也昭德郡齋讀書志作江甯人詩六卷此上中下三卷後有正德己卯鄉進士句吳袁翼題云少伯詩爲中興名家與儲光羲相埒而少伯稍聲峻多遠調如飛雨池上來藹然關中暮東峰始含景了了見松雪興象融化有遺音矣刻唐詩凡數家而此尤可喜云有彭城伯子空翠閣藏書二印

常建詩二卷

明刊本

建長安人開元十五年與王昌齡同榜登科大歷中授盱眙尉仕不如志放浪琴酒往來太白紫閣諸峰宋史藝文志晁氏陳氏書目皆作集一卷聊城楊氏海源閣藏宋本常建詩二卷凡詩五十七首四庫提要所辨曲徑通幽處謂歐集及西溪叢語誤作竹徑此本原詩固作竹逕通幽不誤也餘可證俗本之誤者尙廿餘字古書之可寶如是此本皆與之合

藏書志卷二十四

古

儲光義集五卷

明活字本

光義兗州人開元十四年進士嘗爲監察御史值安祿山陷長安輒受僞署賊平後貶死嶺南有集七十卷郡齋讀書志已作五卷直齋書錄亦作五卷顧况爲集序與此合况序云嗣息日浴亦鳳毛駿骨恐墜先志泣拜請序是集爲光義亡後其子所編者况序後又載殷璠云儲公詩格高調逸趣遠情快風雅之道得浩然之氣又載樂城遺言云儲光義詩高處似陶淵明平處似王摩詰張金吾愛日精廬收藏此集亦活字本楊夢羽葉石君俱有印記則久爲名家所珍重矣

李頎詩集一卷

明正德刊本

劉蓉峯藏書

頎洛陽東川人開元二十三年進士及第授河南新鄉尉性疏簡薄世務慕神仙詩發調旣清修詞亦秀惜其偉材終於黃綬右爲唐人小集本後有不著名跋云頎詩發調清新辭語秀麗

昔人稱爲高於眾作亦盛唐一名家也予藏是集誦日久不覺心契遂爲刻而傳之正德己卯四月十日有彭城伯子空翠閣藏書二印

唐李頎詩集一卷

明萬曆刊本

錢塘凌登瀛元仲甫纂輯

頎詩凡有數本明正德乙亥遼東巡按蒲坂劉成德刻於江甯己卯吳郡包山陸涓又刻之此本萬曆丙戌淮南吳敏道序云頎之奇拔雄渾何遽出王岑高孟四大家下適凌元仲過訪山中相與論盛唐詩家詩語合鼓掌大笑曰頎也知千載下有余兩人哉然非兩人者之私也元仲既別去攷正舊本重刻之滄浪亭目錄後識云右詩陸本凡一百一十五首多劉本三十六首劉本多五首內除闕一首及并去一首合之凡得詩一百一十八首登瀛隆慶庚午解首丁丑進士官禮科給事中

岑嘉州詩集八卷

明刊本

右集 四庫未收阮文達公始進 內府掣經室外集云唐岑參南陽人爲文本曾孫天寶三載趙岳榜第二人及第累官右補闕起居郎出爲虢州長史遷嘉州刺史拜職方郎中兼侍御史參詩律健整非晚唐繼碑可比唐書藝文志崇文總目通攷經籍攷通志藝文略並云十卷文淵閣書目則云四冊闕是集前有京兆杜確序則云區分類彙勒成八卷爲數相符然如礪奎律髓所載同崔十三侍御濬口夜宿報恩寺作爲此本所無疑非唐人舊冊矣按天一閣書目云黎侍御乾德屬嘉州守謝元良刻者乃八卷也有王化倫印敷寬兩圖記

岑嘉州詩七卷

影寫明正德刊本

前載京兆杜確序正德十五年熊相得邊貢藏本所刊各皆爲序集名嘉州者參嘗爲其地刺史也按第二卷酒泉太守席上

醉後作一首八卷本以起四句另爲一首編入七絕大誤又優鉢羅花歌序云天寶景申歲參忝大理評事景申卽丙申唐諱丙爲景是爲天寶十五載七月肅宗改元至德七月以前猶是天寶紀年此詩作於是時別入卷本改爲庚申誤矣書貴兼收並蓄有以哉

岑嘉州詩四卷 明正德刊本

此本卷一五言古詩卷二七言古詩卷三五言律詩五言長律卷四七言律詩五言絕句七言絕句附文獻通攷一則正德庚辰雲間沈恩跋謂岑嘉州詩故集凡六卷子乃縮爲四卷岑公嘗刺茲郡敏於政事而富於文辭故篇題嘉州紀其地而美其名焉耳子蒞蜀數月獲斯集於王浚川子甚珍之尙有魚豕乃參訂而翻刻之同時新都楊慎有序云岑詩故有鏤本歲漸漫滅方伯沈君仁甫學憲王君子衡謂參嘗仕於蜀以其集重匪

直傳其詩兼重其人也按聊城海源閣楊氏所藏宋刻岑嘉州集凡四卷不分體首尾完具趙宋時別行本然則岑詩晁鄭二家作十卷陳氏作八卷正德時熊相刊作七卷沈氏原見本實六卷而縮爲四卷并不知宋刻先有四卷也

韓君平集三卷

明活字本

何夢華藏書

君平名翺南陽人天寶十三載進士佐侯希逸幕府既罷十年不仕李勉任宣武復辟之建中初以駕部郎中知制誥終中書舍人以春城飛花之句受知德宗詩載集內晁陳兩目並稱集五卷此乃上中下三卷詩則分體較黃堯圃所見八卷本爲優有何元錫印白文方印

唐元次山文集十二卷

明刊本

汪季青藏書

元結次山著陳繼儒眉公吳震元長卿王時敏遜之同較

結後魏之齋天寶十三年進士復舉制科授右金吾兵曹累遷

容管經略使逢天寶之亂或仕或隱自謂與世格牙豈獨行事  
而然其文辭亦加之郡齋讀書志元子十卷琦玕子一卷今不  
傳惟存文編十卷明澁若水校本有補遺一卷題太保武定侯  
郭勛編此十二卷與四庫全書所載同其實十一卷注曰拾  
遺十二卷注曰拾遺補是原編仍舊十卷也首載元結本傳末  
載李商隱後序并晁氏陳氏洪氏容齋隨筆高氏子略四則有  
摘藻堂藏書印平陽季子收藏圖書休甯汪季青家藏書籍三  
印

顏魯公文集十五卷補遺一卷

明活字本

錫山安國刊

魯公諱真卿瑯琊人開元進士官平原太守後授憲部尚書封  
魯郡公李希烈反盧杞遣真卿往諭不屈遇害藝文志載其集  
曰吳興曰廬州曰臨川皆十卷至北宋皆亡吳興沈氏撫編爲



十五卷劉敞爲序宋嘉祐間宋次道搜之金石亦編十五卷似非沈氏舊次嘉定間留元剛得十二卷益以補遺年譜行狀雖十五卷又非宋氏舊次明嘉靖癸未吳郡都穆重爲編訂以奏議第一表次之碑銘次之書序與記之類又次之而以詩終焉卷仍十五以符舊數毘陵安民泰梓之石淙楊公序之卽此本也版心有錫山安氏館五字按田裕齋瞿氏書目亦安氏本亦缺年譜行狀碑銘豈當時先印正集流通以後未將附錄復合歟

顏魯公文集十五卷補遺一卷年譜一卷行狀一卷碑銘一卷舊史本傳一卷新史本傳一卷萬曆翻安本

山海劉思誠重刊

前有嘉靖二年石淙楊一清序次劉敞魯公文集序次留元剛後序次嘉靖癸未吳郡都穆後序蓋翻安國刊本也有萬曆己

丑平原邑人趙焯平原學博楚麻城羅樹聲爲劉侯重鐫序跋  
按廉石居藏書記云都穆序云顏魯公集有二子家藏舊本凡  
十五卷人間所傳又有宋留元剛本視予家者十五而闕其三  
止十二卷其本有公文補遺及年譜行狀皆予家所無而予家  
自政和公主碑至顏夫人碑十首又元剛之所未有今僭爲編  
訂云云是本都氏所私定也 四庫所收卽此本疑脫都氏序  
故疑爲元剛本耳有徐君政梅花樓珍藏印

宗元先生集三卷

依閣鈔本

唐吳筠撰

前有唐禮部侍郎權德輿序稱四百五十篇眞人之言盡在是  
矣太原御史王顏悅先生風類斯遺文拜章上獻藏在祕府門  
弟子邵冀元得其本請德輿爲序此本詩賦論僅一百十九篇  
非舊帙矣筠字貞節華陰人隱於南陽天寶初召至京師待詔

翰林高力士斥之爲嵩山道士復還茅山大厯間卒弟子私謚

曰宗元先生新舊唐書並載隱逸傳

唐劉隨州詩集十一卷

明翻宋本 李申耆藏書

隨州刺史劉長卿

長卿字文房河間人一作宣城人開元二十一年登進士第官  
終隨州刺史集稱從其官也又稱文房從其字也宋刊文房文  
集每半葉十三行行二十一字明宏治有兩刊本均十一卷一  
西蜀李士修知隨州所刊一餘姚韓明所刊此本十一卷末爲  
文卷二從河南元判官赴河南句當苗稅充百官俸錢詩不書  
句字注曰御名是避宋高宗諱構嫌名知此本從南宋翻雕者  
前後無序跋以紙版度之當爲宏治所刊有李兆洛印申耆白  
事養一齋諸印兆洛字申耆武進人嘉慶乙丑進士官安徽鳳  
陽知縣著書甚富尤嗜地輿之學有養一齋集

劉隨州集十卷

明活字本

何夢華藏書

隨州集十一卷文一卷詩十卷此則不載其文也長卿號五言  
長城則當時之獨重其詩可見矣愛日精廬著錄亦活字本卷  
首有楊夢羽葉石君印記此則鈐何元錫印夢參館藏書二印  
韋蘇州集十卷拾遺一卷

宋刊配元本

周松齋藏書

蘇州刺史韋應物

應物京兆人周道遙公夏之後永泰中爲三衛洛陽丞京兆府  
功曹大曆中除櫟陽令建中二年授比部郎中守滁州改江州  
召還擢左司郎中出爲蘇州刺史性高潔所居輒焚香而坐詩  
則嫺雅馳驟得建安風格之遺集一名古風集別號漣上西齋  
吟稿嘉祐元年太原王欽臣取諸本校定十卷此前四卷宋刊  
本每半葉十行行十八字當卽棚本行款乃項氏席氏翻雕祖  
本後六卷配元刊校點本卷末有題云韋應物居官自愧閱閱

有卹人之心其詩如深山採藥飲泉坐石日晏忘歸德祐初須溪記又孟浩然詩陸續刊行八字殆麻沙本也枝山老樵一印或是祝允明舊藏有周春松靄仲魚過目內樂村農馬玉堂笏齋諸印

韋蘇州集十卷

明翻宋本

惲南田藏書

蘇州刺史韋應物

應物京兆人新舊唐書俱無傳宋沈明遠作詰特爲補撰集乃嘉祐元年太原王欽臣取諸本校定十卷仍所部居去其雜廁分十五總類合五百七十一篇末有拾遺數首汲古刻本所自出卷中逢楊開府一詩備述生平足見古人眞率有惲壽平正叔衡門之下白雲山外山人請印壽平名格以字行一字正叔號南田又號白雲山外山人武進人有南田集所居有甌香館倡酬皆一時名士

皇甫補闕詩二卷

明正德依宋刊本

劉春暉藏書

左補闕內供奉安定皇甫茂叔

冉潤州人元晏先生謚之後十歲能屬文張九齡歎異之天寶間與弟曾俱登第授無錫尉避難居陽羨後爲左金吾衛兵曹參軍左補闕唐書藝文志集三卷直齋書錄作一卷有獨孤及序稱三百五十篇此僅二百篇佚已多矣前雖無獨孤序而與席刻宋本行款次第若合符節明劉濶之編二皇甫集冉詩中酬楊侍御寺中見招送薛判官之越送魏中丞還河北賦得越山皆三韻律詩而編入五言古詩中奉寄皇甫補闕六言一首乃張繼詩冉有答詩可證亦編爲冉作是本皆無此謬有彭城伯子圓印空翠閣藏書印

皇甫御史詩集一卷

明正德依宋刊本

劉春暉藏書

丹陽皇甫曾孝常

曾潤州人天寶十二載進士兄冉俊曾三載登第官至侍御史  
坐貶舒州司馬陽翟令當時兄弟齊名人比之張景陽孟陽云  
集一卷此亦與席刻相同當從宋本重刊席氏採文苑英華中  
玉山嶺上作國子柳博士兼領太常博士賀贈五律二贈老將  
七絕一唐詩類苑中送商州杜中丞赴任七律送裴秀才貢舉  
五律杖錫歌送明楚上人歸佛川七古爲補遺一卷

蕭茂挺文集一卷

舊鈔本

唐蕭穎士撰

前載新舊唐書本傳次載李華撰序曰開元天寶間以文行著  
者曰蘭陵蕭穎士字茂挺梁國鄱陽忠烈王之後七歲能誦數  
經十歲以文章知名十五無滿天下十九進士擢第歷金壇尉  
揚州參軍書正字河南參軍辭官避地江左永王修書請君君  
遁逃不與江淮南節度使表封爲功曹參軍相國第五琦請君

爲介君以先世寄嶺嵩條因之遷耐終事至汝南而歿天下儒  
林爲之顛頽云云唐志載文集十卷游梁新集三卷宋志止集  
十卷而無游梁新集此本爲後人鈔撮而成非復十卷之舊矣  
李遐叔文集四卷精鈔本

唐司戶參軍贊皇李華撰

華字遐叔累中進士宏詞科天寶中遷監察御史安祿山反明  
皇入蜀華爲賊所得僞署鳳閣舍人賊平貶杭州司戶參軍李  
峴表置幕府擢吏部員外郎病風痺卒新舊唐書俱入文苑傳  
文集佚於南宋馬端臨經籍攷不列其目此本後人取文粹文  
苑英華諸書編集仍冠獨孤及序於首向不分卷館臣以其銓  
序頗備析爲四卷當時書多譌字吳尺鳧焯校正之乾隆間鮑  
澐飲廷博鈔進之浙江採進遺書載其目也

錢攷功集十卷

明活字本 何東甫藏書



錢起撰起字仲文吳興人天寶十載進士授祕書郎終於攷功  
郎中大歷中與郎士元齊名士林爲之語曰前有沈宋後有錢  
郎蜀本作前後集十三卷晁目作二卷陳目作十卷錢遵王云  
仲文詩佳本絕少此於雜言往體近體諸篇編次極當尤爲舊  
集席氏卽依之上版右活字本亦十卷分五古七古五律五言  
長律七律五絕七絕較席刻尤爲整齊有何琪印小山居藏書  
印記何琪字東甫號春渚錢塘布衣有小山居稿藏書多舊刻  
郎刺史詩集一卷明正德依宋刊本

郢州刺史郎士元君甫

直齋書錄解題郎士元集一卷士元天寶十五載進士寶應中  
選畿縣官肅宗詔試中書補渭南尉歷拾遺刺史此本卽爲東  
山席氏刊於琴川書屋之祖刻版心止一郎字實依宋式

戴叔倫集二卷

明活字本

何夢華藏書

昭德郡齋讀書志載叔倫述稿十卷外詩一卷書狀一卷叔倫字幼公潤州人爲人溫雅善舉止中進士第累遷容管經略使政治稱最德宗賜中和詩世以爲榮代還請爲道士未幾卒集有馬總序唐史但云師事蕭穎士初不稱其能詩此作二卷與席刻無異惟無馬序及補遺有何元錫印

耿漳詩集一卷

明仿宋刊本

劉蓉峯藏書

唐才子傳云漳河東人寶應二年洪源榜進士初爲大理司法充括圖書使來江淮窮山水之勝仕終左拾遺詩才俊爽意異不羣似漳等輩不可多得陳晁兩志均作集二卷漳皆作緯此一卷不知何時所并卷末有芟削字痕殆依宋本而出有彭城伯子空翠閣藏書二印

唐盧戶部詩集十卷

影鈔宋本

錢遵王吳枚菴藏書

河中盧綸允言

允言避天寶亂客鄱陽大厯初數舉進士不第元載進其文補  
闕鄉尉遷戶部郎稱疾去渾城鎮河中辟爲元帥判官韋渠牟  
得幸德宗表其才召見禁中帝有所作趣廢和帝忽問渠牟盧  
綸李益何在對曰綸從渾瑊在河中詔驛召之會卒文宗雅愛  
其詩問宰相綸沒後文章幾何亦有子否李德裕對綸四子皆  
擢進士仕在臺閣帝遣中使悉索其中笥得詩五百首進之綸  
之遭遇可謂榮矣然四庫未著錄阮文達亦未進呈此影寫  
明刻本有虞山錢曾遵王藏書吳翌鳳家藏文苑校菴流覽所  
及三印

唐盧戶部詩集十卷

明刊宋本

河中盧綸允言

此明時翻刊者前後無序跋但有目錄有莫爾昌印理齋兩圖  
記

李君虞詩集二卷

明刊宋本

劉蓉峯藏書

唐集賢學士右散騎常侍姑臧李益君虞撰益大曆四年進士與宗人長吉齊名此明宏正間刻本作李君虞詩卽席啟寓刊本之祖而朱警集刻百家唐詩內李益集同是一卷同無序跋較此少詩十八首而中爲此本所無者二十五首朱氏所集多宋本當別有所據昭德讀書志謂集中無獻劉濟不上望京樓之詩惜其放逸者多檢此本有之可見此集在陳冕時已分兩本矣有空翠閣圖記

顧華

陽集三卷附非熊詩

舊鈔本

抱經堂藏書

唐顧况撰况字通翁海鹽人至德二年進士官祕書郎遷著作郎貶饒州司戶晚年退居茅山自號華陽真逸集舊編爲三十卷此明萬曆中况二十五世孫名端所輯止上中下三卷附其子非熊詩一卷前有睦州皇甫湜持正原序又海鹽姚士舜撰

藏書志卷二十四

三

顧著作傳餘姚孫鏞里人沈孝徵重刻序有抱經堂藏書朱文  
長印

唐陸贄公翰苑集二十四卷

明萬曆刊本

怡府藏書

唐陸贄撰贄事蹟具載唐書本傳宋藝文志有議論表疏十二  
卷又翰苑集十卷陳氏書錄解題作二十二卷分翰苑榜子爲  
二集元時刊者往往作廿二卷此爲贄二十七世孫基忠校刊  
二十四卷分三編凡制誥十卷八十五篇奏草七卷三十二篇  
奏議七卷二十四篇前有權德輿翰苑集序蘇軾進奏議劄子  
蕭燧酒熙講筵劄子郎燧進所注奏議表宣德三年胡元節重  
刊金寔序天順元年延祥重刊項忠序宏治十五年于鳳階重  
刊錢福序嘉靖丁酉沈伯咸序萬曆辛巳葉逢春序王世貞跋  
冠以萬曆三十五年吳道南爲基忠校刻是本序道南字會甫  
崇仁人萬曆己丑進士官大學士少師諡文恪鈐明善堂安樂

堂藏書兩印

唐陸宣公制誥十卷奏議七卷奏草七卷

明刊本

是編爲不負堂刊殆取公上不負所知下不負所學之語前有權德輿序宋蘇軾進奏議劄子瀋熙講筵劄子槧印絕精可作宋本觀也

李嘉祐集二卷

明活字本

何夢華藏書

東山席氏得影宋本臺閣集於吳郡柳僉家刊入百家唐詩題袁州刺史李嘉祐字從一前有建炎三年正月郡守陽夏謝克家序云按嘉祐上元中嘗爲台州刺史大厯間又刺袁州今袁州之詩多在顧天台山水奇秀略無連絕發揮之可恨也李肇記王維漠漠水田飛白鷺陰陰夏木轉黃鸝之句本於嘉祐而卷中亦不復見然中興閒氣集若南薰可錄無遺則當時所傳止此其放失多矣云云蓋克家亦刺台州以後守而表揚前徽

因爲刻之此活字本例刪序跋并分體分卷然詩則一篇不闕  
仍臺閣集也席本送冷朝陽及而此本下多第歸江甯四字席  
本送越州而此本下多新法曹之任五字書貴兼蓄有以也有  
以也有何元錫印夢華館藏書印

李端詩集三卷

明翻宋本

惠定宇藏書

邯鄲李端正已

右明正印時翻宋本每半葉十行每行十八字用宏治元年  
四年蘇州府官冊紙背所印古香可愛板心李端集上集中集  
下他本均誤刻目上目中 下此不誤有惠棟之印定字二印

羊士諤集二卷

明活字本

何夢華藏書

士諤泰山人貞元初進士累至宣歙巡官元和初拜監察御史  
坐誣論宰相出爲資州刺史郡齋直齋二志均作集一卷此分  
上下兩卷詩則分體而編也有何元錫印夢華館藏書圖記蓋

吾鄉先正舊帙也

新刊五百家註音辨昌黎先生文集四十卷外集十卷附評論詁訓  
音釋諸儒名氏一卷昌黎先生序記碑銘一卷韓文類譜十卷宋虞  
元刊本 山陰祁氏秀水朱氏吳門惠氏藏書

宋藝文志馬氏文獻通攷皆不見載 四庫著錄惟文集四十

卷評論詁訓音釋名氏一卷爲宋建安魏仲舉所編慶元六年  
春所刻 天祿琳琅書目宋版集部載有二部一本正集四十  
卷外集十卷引用書目一卷諸儒名氏一卷韓文類譜七卷一  
本多昌黎先生序傳碑記一卷看韓文綱目一卷別集一卷論  
語筆解十卷文集後序五篇而無韓文類譜兩部亦皆有闕補  
曝書亭集跋是書稱訓詁四十卷外集十卷別集一卷附論語  
筆解十卷延令宋版書目列五百家註音辨昌黎文集四十卷  
二十本是一書多寡各不相同實因宋槧輟轉流傳全璧爲難



耳此本合五目以核之尙缺別集一卷看韓文綱目一卷引用書目一卷論語筆解十卷而類譜中多類人王銍性之撰韓愈傳一卷東蜀樊汝霖澤之撰韓文公年譜一卷莆陽方崧卿撰韓文年表一卷有澹生堂經籍記曠翁手識山陰祁氏藏書之章朱彝尊印竹垞惠棟之印定字諸圖記按是書無纂集姓名天祿琳琅藏本正集目錄後有木記曰慶元六禩孟春建安魏仲舉刻梓於家塾此本佚脫仲舉名懷忠始麻沙坊肆之領袖也

昌黎先生集四十卷 宋渣船刊本 徐健菴藏書

李漢編

前有門人李漢集序次目錄每葉二十行行二十字版心上下魚尾上紀字數下紀刻工姓名行款闊大字畫圓湛紙墨精好凡玄朗匡胤殷恒貞徵晷桓完構毅慎致廓彊讓敬等字皆

闕筆當爲理宗時刊本之最佳者惜無外集與遺文耳有乾學徐健菴兩印按傳是樓書目宋版昌黎集四十卷者凡五部此周蓮舫爲余購自關晉軒侍郎家光緒庚申之春書未攜歸杭城遭寇事稍定蓮舫捆書避至甌郡又遭會匪之變竹筭雖被刃裂書迄無恙同治甲子書還故廬洵有神靈呵護也

昌黎先生集四十卷外集十卷遺文一卷

明徐氏刊本  
校稽瑞樓藏書

陳景雲手

門人李漢編

前有李漢編序敘說七則凡例十條宋賈似道門客廖瑩中採建安魏仲舉五百家注間引他書十之三復刪節朱子單行攷異散入各條下所稱世綵堂本也廖本舊在趙以小山堂屬樊榭有詩賦之轍轉歸丁雨生撫部予曾與莫君子偕同允之與東雅堂刊者毫髮不差雍正丁未長洲陳景雲據以點勘其于黃中重爲手錄殊墨爛然字如蠅頭古拙可愛眉間記云近吳

藏書志卷二十四

三

中徐氏東雅堂主人徐時泰萬曆中進士歷官工部郎中崇禎末堂已易主項宮詹煜居之煜後以降賊名麗丹書里人噪而焚其宅堂遂燬今僅存池塘遺跡而已有陳仲魚手校簡莊藝文稽瑞樓及桐鄉沈炳垣藏書諸印

韓文四十卷外集十卷集傳遺文二卷

明嘉靖合刊本

門人李漢編 明巡按直隸監察御史南平游居敬校

前有李漢序並巡按直隸監察御史前翰林院庶吉士南平游居敬合刻韓柳文序云丙申冬奉命按至甯國諮於甯國黎守晨泊宣城知縣吳梯取蘇閩舊刻稍加參校命工梓焉司校刊者教諭陳思誠訓導陳嘉賓襄成者教授鄭富訓導何偉時嘉靖丁酉八月

朱文公校昌黎先生文集四十卷外集十卷集傳遺文二卷

元刊小字本

明南京翰林院舊藏

晦菴朱先生攷異留畊王先生音釋

首列朱子序次汪季路書次凡例次目錄其王伯大序與諸家姓氏已佚去開卷注曰宋莒公云馮章靖親校舊每卷首具列卷中篇目馮悉以朱墨滅殺之惟存其都凡集外別有目錄一卷今按李漢所作序云總七百首并目錄合四十一卷則正與馮合留畊名伯大字幼學福州人宋史有傳以朱子韓文攷異別爲卷帙尋覽不便重編析句散入本集各句之下刻於南劍州又採洪興祖年譜辨證樊汝霖年譜注孫汝聽解韓醅解祝允解爲之音釋附各篇末而麻沙坊估以注釋綴於篇末仍不便檢閱亦取而散諸句下觀凡例可知矣每葉二十六行行二十三字小字雙行凡各本異同各家注釋皆以黑質白字別之坊刻精致正不必以改朱子攷異舊例爲嫌也曾入南京翰林院有印可攷別有陳德大容齋海鹽陳德大藏書三印

朱文公校昌黎先生集四十卷外集十卷集傳遺文二卷

明依宋黑口刊本

李漢編集晦菴朱先生攷異留畊王先生音釋

前有朱文公攷異序次寶慶三年通判南劍州軍州王大伯序  
次諸家姓氏次門人李漢序次汪季路書次文公校集凡例十  
二條後附識云今李氏所刊係將南劍州官本爲據并將音釋  
附正集焉使觀者一目可盡而文義粲然亦先生發明此書之  
本心也幸鑒此每半葉九行行十八字書雖明翻實猶具宋時  
典型

晦菴朱侍講先生韓文攷異十卷

宋刊本

鄭汝生朱竹垞惠定宇

首有文公自序曰此集今世本多不同惟南安軍所刊方氏校  
本號爲精善別有舉正十卷論其所以去取之意然其去取多  
以祥符杭本嘉祐蜀本及李謝所據館本爲定而尤尊館閣本  
雖有謬誤往往曲從他本雖善亦棄不錄至於舉正則又例多

而詞寡覽者或不能曉知故今因其書更爲校定悉攷眾本之同異而一以文勢義理及他書之可證驗者決之苟是矣則雖民間近出小本不敢違有所未安則雖官本古本石本不敢信又各詳著其所以然者以爲攷異十卷庶幾去取之未善者覽者得以參伍而筆削焉其後王伯大重編韓文以攷異散入句下更後書肆重刊又散伯大音釋入句下明萬曆三十三年高安朱吾弼重校原本其孫宗沐梓行 國朝康熙戊子李氏光地以語溪呂氏家藏宋刻屬徐壇長校讐書計十一萬七千九百餘字內有補注作行書填注字名疑是文公門人張元德所刊定尤非近本可比至今朱刊本載之 天祿琳琅李刊本第十卷本傳後有趙德文錄序歐陽文忠公記舊本韓文後蘇文忠公潮州韓文公廟碑且開卷標題昌黎先生集攷異此魏仲舉與五百家注昌黎文集同時刊本第十卷本傳後祇有汪季

路一書而無趙歐蘇文似勝李刻祖本每半葉九行行十八字  
版心或題韓文攷異或韓攷或文攷或攷異或韋攷宋諱多有  
減筆有山陰祁氏藏譜之章澹生堂經籍記曠翁手識朱彝尊  
印竹垞惠棟之印定宇諸圖記

韓集舉正十卷外集舉正一卷敘錄一卷

精寫本

宋方崧卿撰

崧卿莆田人知台州軍事洎熙己酉自爲後跋云試郡嶺麓開  
日居多課其餘力從事於斯韓氏舊集世已罕傳摭拾僅存稽  
而正之源流不白何以傳諸人因復次其異同記其譌舛之自  
使人開卷知所自擇而韓氏義例亦粗見於綱領中末有校例  
一誤字當刊其於改正之字則用朱書一衍字當削衍去之字  
以圓圍圍之一脫逸當增凡增入之字以方圈圍之一殺次當  
乙顛倒之字以墨綫曲折乙之自朱子攷異盛行於世此本遂

爲所掩 四庫館得宋刻本著錄之遂得傳錄於世

增廣註釋音辨唐柳先生集四十三卷別集二卷附錄一卷

元刊小字本

南城先生童宗說注釋新安先生張敦頤音辨雲間先生潘緯音義

前刻劉禹錫序次乾道三年十二月吳郡陸之淵撰柳文音義序稱潛山廣文潘氏緯字仲寶雲間人中乙丑年甲科淡於進取嘗以昌黎文有江山祝充音義既反切難字又注其所從出惟子厚集諸家音義不稱是自詭規模祝充撰柳氏釋音因序引其意云云顧不及注釋之童音辨之張是兩家當時本各自行其書必麻沙坊估合而成編題曰增廣以省翻閱雖非劉編舊次未始非藝林之一助也每葉亦二十六行行二十三字宗說紹興間袁州教授敦頤字養正婺源人紹興八年進士由南劍州教授歷官知舒衡二州



增廣註釋音辯唐柳先生集四十三卷別集二十卷外集二卷附錄

一卷

明依宋刊  
黑口本

南城先生童宗說註釋新安先生張敦頤音辯雲間先生潘緯音  
義

前有乾道二年吳郡陸之淵音義序次夔州刺史劉禹錫原序  
書中注文各標童云張云以別此書亦半葉九行行十八字當  
與韓集同時所刊也

五百家註音辯唐柳先生文集二十一卷附錄二卷外集二卷新編  
外集一卷龍城錄二卷看柳文綱目一卷宋文安禮柳先生年譜一  
卷評論詁訓諸儒名氏一卷後附柳先生序傳碑記一卷 舊鈔本

宋魏仲舉編世間久無傳本 內府藏有宋刊本與韓集版式  
絲毫無異雖正集四十五卷祇存二十一卷而外集以次各種  
並全仍著錄於 天祿琳琅書目以徵合璧館臣亦依次錄藏

四庫韓文音注正集乾隆間江西尙有雕本此則未見翻雕  
尤不能不以寫本爲珍也

河東先生集四十五卷外集二卷附錄二卷集傳一卷後序一卷  
明美堂刊本 羅鏡泉藏書

夔州刺史劉禹錫編

右爲唐柳宗元撰集序爲劉禹錫纂宋刊本凡四十三卷此并  
入非國語二卷故四十有五外集增處士段宏古墓誌三篇附  
錄篇目與宋本不同龍城錄宋本所無也注不題撰人名氏每  
葉十八行行十七字每卷尾俱有東吳郭雲鵬校壽梓篆文木  
印版心有濟美堂三字與增廣注釋音辨本自別耳有羅以智  
印鏡泉江東羅氏所藏三印

柳文四十三卷別集二卷外集二卷附錄一卷

明嘉靖游氏刊本

明巡按直隸監察御史南平游居敬校

前有劉序按兩書繕刻精湛後二十年嘉靖丙辰兩京國子司業盱江王材序稱前侍御游君所刻鑿數頗精稱善本沙濱莫君如京由翰林爲御史出按南畿甯國朱守自充以爲言乃重加校梓細審版刻絲毫無異實則因其版而易雕莫之銜名耳

右別集類二